

موال الليل



الملتقى للنشر و التوزيع

اسم الكتاب : موال الليل

اسم المؤلف :فاطمة فهمي أحمد

رقم الإيداع بدار الكتب :2021/8466

ISBN : 978-977-85886-1-3

• • جميع حقوق الطبع و النشر محفوظة للدار

ولا يجوز نقل أو اقتباس أو اختزال أي جزء من الكتاب دون الرجوع إلى الناشر والحصول

على إذن خطي مسبق منه.

• • تنويه: المحتوى الأدبي هو مسئولية الكاتب بالكامل.

الملتقى للنشر والتوزيع: 9 مكرر شارع ترعة الجبل ، برج سكر ، حدائق القبة ، القاهرة – مصر.

مالك الدار:

حسام عزام

Moltaqapublishing@gmail.com

Tel: +20 109 901 6240



موال الليل

نشر

بقلم/فاطمة فهمي



إهداء

موال الليل عزف منفرد من القلب للقلب
على تقاسيم الناي و مداعبة الأوتار
بلغة بسيطة أهدي تلك الكلمات إلى
أم الدنيا ..وأهل المحروسة..

فاطمة فهمي

حرف وقلم m

كلمة الملتقى

مازلنا نفتش بحور التميز عن المبدعين في محاولة لمد جسور التواصل بينهم وبين القراء
في كل مكان بالوطن العربي

وفي بحثنا الدعوب في هذا الصدد كان لقلمك الباذخ وميضاً للؤلؤ في العيون ووقع النغم في
القلوب

لهذا نقدم للقراء قلم الكاتبة فاطمة فهمي

دعماً لهذا التميز وأملًا في انطلاقة قوية في مجال الأدب

حسام عزام

خزائن الأحلام

من وراء ستار الليل
 ظهر نجم بيلمع
 في السما
 ميل على جبين القمر
 وهـمس ...
 أفتح لنا خزائن الأحلام
 أفتح للعشاق يعيشوا
 الحـلـم
 عندنا
 وعلى جناح الحنين
 يطلعوا هنا جنبنا
 يسافروا بالحلم بعيد
 عن عيون الكون
 أفتحهم يا قمرنا
 وطل عليهم طلة
 وأزرع ضياءك
 في بساتين الأمل

يمكن حد منهم يلاقي
 حلم كان غايب عنه
 يلاقيه عندنا
 ويفرح زينا
 وأنا من هنا هأند
 مغنواي الحي
 يغنيلهم غنوة حلوة
 ملونة
 بألوان الحياة اللي
 نفسنا نعيشها كلنا

.....

صوت الذكريات

بنيت سور عالي
 وخبيت وراه الذكريات
 لكن أغصان شجر
 الحنين
 طلعت وكبرت
 وطالت
 من فوق الجدار
 زعقت وصرخت
 وعلا صوت الذكريات
 وإتلم العاشقين
 يعزفوا على الناي
 ومغنوا تيحي
 بطبلته يدق ع الأنغام
 ومنين أجيب قلب
 يتحمل صوت الحنين
 وإزاي قلبي يتحمل
 وهج السنين

يا عم يا آلا تي
غنيلي غنوة تطرب
القلب الحزين
وتشعل فتيل البهجة
في قلب المحرومين
غني وإحنا معاك
سهرانيين
نطبطب على قلوب
مجروحين

.....

شعاع مكسور

وفي الضلّة يشق العتمة
 شعاع مكسور وصوت مبتور
 ونغمة ناي بتبكي
 ودقة قلب مكوي
 بنار الزمن يدمي
 ودي نجمة طالة من بعيد
 لامعة
 مكتوب عليها حرف
 يمكن يكون رسم
 لقصة كانت جوه الحلم
 وكانت سر شايله القمر
 بكفوف الضي حافظة
 وف غفلة من الزمن
 سقط السر من أعلى سما
 نزل على أرض فضا
 لا لقي شيء يستره
 ولا لقي صاحبه اللي شاله
 من سنيين
 وفضل ماشي وضل الطريق

.....

يا ليل

عاشق جمال الليل
 بأقول وأغني يا ليل
 تسمعها ودني وتدمع العين
 يا ليل يا كاتم أسرار
 يا بدر طالع ورا السحاب يلاي
 قول معايا.. غني ويايا
 أنا اللي عشقت
 ودبت في جمال العين
 أنا اللي قلبي إتقسم نصين
 يوم ماشاف الجميل
 طال على الغير
 آه يا قلبه الحجر
 ساب قلب الجدع ينفطر
 والدق على طلي جبر
 وكسر قلبي لساه ما انجبر
 إصحي يا قلبي فوق
 دا قلب الحبيب حجر..

.....

الفرح له ناسه

و يزيد الزمن في عناده
 وفجأة تلاقى
 اللي حواليك بيستكتروا
 عليك الفرح
 وتلاقي اللي يقتل من نجاحك
 واللي شايفك موهوم
 والنجاح مش مكانك
 وده واحد شايف
 إنه أحق بمكانك
 إيه يا زمن... مش كفاية عناد
 ولا الفرح له ناسه
 والحزن بس ..
 من بين كل الأتواب
 هو اللي على مقاسي
 والله القلب تعب من اللوم
 والعتاب
 هو كان لازم أتنازل
 عن الأحلام
 عشان يبقى مكاني
 صح في عيون الأنام

هل هلاك

بعودة الأيام
 يا أهل بلدي وحبائبي
 يا عشرة بين جيراني
 وأهل حيي
 من العام للعام
 بشوق الحبيب نستنى
 يا مجمع العيلة ع اللقمة
 يا زارع الرحمة ف قلوبنا
 كان زمان رواحك تهل
 على بيوتنا
 والخير يملأ جيوبنا
 كنا نزور الأهل والجيران
 وندق أبواب الزمان
 اليوم رسالة واحدة
 تنسخها وتلف بيها
 ع الأرقام
 وكأننا أصبحنا مجرد
 رنات
 فين المشاعر
 فين راح الود بينا
 يازمن العجايب

أيام زمان هتفضل
معانا
وهيفضل الخير جونا
إوعى يا ابن آدم
تتوّه بين الآلات
إوعى تنسى حق
جارك والذكريات

.....

زمان

إحكي و سمعني
 أحكي على الزمن
 اللي فـات
 وأخذ معاه أجمل
 ذكريات
 سمعني جمال
 العبارات
 و موسيقى الحروف
 بتعزف ع الأوتار
 قول للشباب
 إن العيب فينا
 الزمن برئ من
 الاتهام
 آحنا اللي نسينا
 إزاي نحب بعضنا
 إزاي نساعد المحتاج
 علمهم إن الحنين

للزمن القديم
ده مش عيب منا
ده إيمان بالخير
اللي جوانا إتزرع
من أهنا
واللي بنتمنى نعيشه
اليوم وتتعلموه منا

.....

ضي وصوت

ضي خفيف
 وسط عتمة الليالي
 ده ضي القمر
 ولا نجوم السهر
 واللي بيرن في الفضا
 ده صوت قلبي
 ولا همس الندا
 اللي بيداعب أوتار
 الحنين
 ولا يمكن صوت
 حد بيغني
 بيدق دقات شجن
 بيطبب جروح القلوب
 اللي تاهت في الدروب
 إرمي حمولك على
 اللي خلّق
 اليوم يعدي من غير قلق

دقات المطر

على دقات المطر

سهرانيــــــــن

نغني غنوة للعاشقين

نغني موال السهر

والفكر سارح

بين نجوم السما

والحلم اللي جوه

قلبي ساكن بينتفض

ألوانه ساحت

إختا طت ورسمت

شيء محدش يفهمه

إلا اللي بالفكر ابتلى..

.....

موال الليل

دارت عقارب الزمن
فانت سنين .. فانت الكثير
والحلم عمره ما اكتمل



الحلم سافر
ويا قلبي
اللي إنكسر
غادر محراب الأمل
ومشي في سكة القدر
دارت عقارب الزمن
يا عم يا ناياتي
تقدر تنسيني

همومي والشجن
تقدر تطلع من قلبي
السكين اللي إنغرس
ولا تقدر تغني
على موال الليل
وتسمعنا صوتك
اللي بيسحرنا
ويصحي القلوب
اللي نايمـة
تسمع منك العجب

سمعنا ... قول..

دا القلب لساه

بيرمم الكسر

ويطرب الجرح

في قلب الشجن..



حكاية حبك

وأما حكيت لي
 حكاية حبك
 قلبي وجعني
 أيوة..لأني
 شفت في نفسي
 كسرة نفسي
 شفت حياة
 ماكنتش حياة
 أيام وبتخبط فيا
 لما حكيت لي
 لقيتني بأقول..
 مش دول ناس..!
 آمال مال الدنيا
 ومالي
 رشت جازع الإحساس
 أو قول يمكن داست قلب
 كان مليون بالأشجان
 لما حكيت لي
 قلت ياريتني
 ماسمعتش منك
 قلت ياريت كنت سكت

بس الحق...
 قلبي بيرقص
 من فرحته بيك
 وأدعي وأقول
 يارب بجد
 إسعد كل قلوب الدنيا
 بكفاية قلب
 فاق من نومه
 شاف الشيب
 غطى الراس
 والإحساس..!
 يمكن ده الشيء
 اللي طول حبة
 في عمر القلب
 وخلاه عاش..



إيه اللي اتغير

وكان إيه اللي اتغير
 وطبعك ساكن
 فيك ماتغير
 وأنا باشوف وأتخير
 يقولوا بكره هيفهم
 بكره هيفير
 من كلامه ويقدر
 وجه بكره
 وجه بعدده
 وأنت في دنيا
 تفصاك عن دنيتي
 بألف ميل سير
 وإيه اللي إتغير
 يمكن أنا
 أيوة أنا
 من كتر الهم
 غابت بسمتي
 وفكري بقي متخير
 طب وإيه الحل
 الحل إننا نرجع
 بالزمن

نتولد من جديد
 يمكن وقتها نتغير
 آه يازمــــن..
 كل يوم تناولني
 كف على الوش
 يرسم خط
 من خطوط خريطة
 لا يمكن يوم
 هتتغير..
 ♥ ♥ ♥ ♥

قاللي

قاللي....

يوم ما تقولي آه
 يوم ما توافقي تبقي
 شريكة حياة
 يومها هابقي أسعد البشر
 يومها أكون وصلت للقمر
 قاللي هتكوني أمانة
 بين إيديا ومسئولية
 قاللي عمري يوم
 ما اسمح لنفسي أزعلك
 عمري ما أقسى
 وعمري ما انسى
 إنك نعمة من ربنا
 وإنك النور اللي
 قلبي بيه اهتدى
 أنت حاجة اكبر من
 اي حلم مر في عمري
 وإنتهى
 قاللي ..
 هتكوني ملكة متوجة
 بس ترضي يارب ترضي

قلت ...راضية
 فين ألاقي حب زي ده
 هو قاللي كل حاجة
 بس يا خسارة
 ماعملش منها أي حاجة
 غير إني اصبحت كومة
 مهملة
 شئ ضروري لحياته
 لكن حياتي..هي فين!!!
 القول كتيــــــــــــــــر..
 لكن ساعات صمت الرجال
 بيبكون كنز م الأفعال
 كلام صادق جوه القلوب
 مش كلمتين مكتوبين
 على رمل هبت عليه
 رياح الزمــــــــــــــــن!!
 ♥ ♥ ♥ ♥

واحد شاي

واحد شاي..
 في الخمسينية
 على مية بيضا
 واحد قهوة...
 في الكباية بلاش العوجة
 قعدة ف وسط الناس الحلوة
 عم حسين يرمي همومه
 في حجر أمين



يحكي يفضفض كلنا
 سامعين
 دا يطبطب ودا يواسي
 وصوت الطاولة يرن
 وصوت القهوجي عالي
 وراديو يغني أحلى كلام
 وريحة فرن جنب القهوة
 تملا المكان
 ودي خناقة مابين إثنين
 دا يشتم ودا يهدي
 وعيل راكب عجلة بيخبط
 في كراسي الناس
 ويجري بسرعة من خوفه

ودي زفة بنت
من بنات الحي
زغاريد وفرح
بين الناس
ويرجع تاني
صوت القهوة
يعلى ويعلى ..
وأنا عيني بتحضن
كل الناس..
♡♡♡♡

باب الهوى

دق على باب الهوى
 افتح شبابيك الشوق
 علم القلب إزاي
 يدق دقتين
 دقة خوف
 ودقة شوق
 وانطق يا سهر الليالي
 قول إزاي سماك
 مطرت دموع حنين
 ونجوم ليالك بطلت
 تلمع وسط الأنين
 حتى القمر من كسوفه
 ما قدر يطل على
 جبين السهرانيين
 كل الحكاية إننا
 غرقانين في ذكرياتنا
 وف أحزان السنين
 ومنين بيحي الأمان
 والقلوب شائلة
 حمول وأنين

عَلَقَم

عَلَقَم...
 بطعم الصبر
 يا عمري اللي فات
 من غير ما أكون
 يا بسمة غابت
 عن شفايفي
 يا عبرة من عيوني
 عرفت طريقها
 على خدي
 بطعم الصبر
 يا وجعي
 يا غربة نفسي
 في نفسي
 اللي ضاعت
 وسط الهموم
 ونظرة حيرة
 مخنوقة
 وسط الغيوم
 بطعم الصبر
 يا كل شيء
 قدر.. ومكتوب

صور وحكايات

ولسه فيه صور
وحكايات
وقلب مرسوم
على الحيطان
نفضل نقلب في
الصور
نفتش في الكلام
ويفضل جوانا أمل
يدق الباب
من ورا الخيال
صورة وكتاب
وحرف حائر
على سطور الزمان
مالك ياطبيب
ضاع منك اسم
الدوا
ولا الداء صعب
ع المداواه
♡♡♡♡

القلب غافل

من بين كل البشر
 كان الاختياري
 وعلى كل الدروب
 فاض الشتيافي
 ومنين يا صبر
 نجيب صبر تاني
 وموجة حنين
 بتلعب بمركبي
 بين المواني
 آه يا زمان العجب
 نقضي عمرنا
 بين البحور
 ندور على شط
 للمراسي
 والشط قدام عينا
 لكن القلب غافل
 وناسي

بياع الصبر

سألت عن
 بياع الأحلام
 قالوا....
 مر من هنا
 من زمان
 سألت عن
 بياع الصبر
 قالوا....
 خلص رصيده
 وهرب
 وسألت عن
 بياع الضمير
 فقالوا مات
 زي ما ماتت
 بضاعته
 قفلت أبواب الأمل
 ونزل الستار
 على الفجر
 والضلام إنتشر

ألف ليلة

اسمع معايًا...
 كل الحكاية
 كانت أميرة
 في حينًا
 كانت جميلة
 كما بدر التمام
 خطفت قلوب
 كل الشباب
 زي حكايات
 ألف ليلة
 واليوم بنحكي
 عن سهم صاب
 زينة الشباب
 سهم من العيون
 الناعسة
 عيون متكحلة
 بنور القمر
 شغلت قلوب
 البشر
 على باب الحارة
 وقف الجدعان

تحت شباك
الأميرة
الساحرة
يمكن تطل
م المشربية
يمكن ينولوا
الرضا
يمكن يلمسوا
القمر
♡♡♡♡

علموه

فهموه...

إن الغرام مش

كلمتين

ولا صحبة ورد

ولا دبلتين

فهموه ..

وعلموه إزاي

يكون الهوى

إزاي يكون على

عرش قلبها

وإزاي تكون هي

ملكة متوجة

يمكن لو قدرتموا

توروه

يلحق آخر عربية

في قطر حبها



المرايا

صورة بهتانة
ومرايا كدابة
وخطوط الزمن
علمت بزيادة
مين كان يصدق
إنها كانت في يوم
حلم كل شاب في حياها
مين يقول إن الزمن
يغدر بالجمال
لكنها لسه
في قمة الجمال
الروح هي هي
والسحر غالب
على سنهها
لكنها...
لسه بتسأل المرايا
مين اللي خربش
صورتها
لساها مش مصدقة.



يا واحشني

كان فيه أغنية زمان
بتقول...ياواحشني
لك مني الف سلام

طب والقلب اللي نساها؟
حطه في خانة الحرمان

آه واللى هـ..
كده راح يبقى تمام

أو أقولك...
حطه في محلل الصبر
ساعتين أو حتى يومين

أو روح في قلب الصحرا
دور على بير مية

أرميه فيها يغسل همه
أو يروي عطشه
أو يمكن يغرق

ده تمام.. كده حليتها..؟
أيوة تمام

طب نعمل إيه ويا الأيام..
نرجع نسمع يمكن نفهم

كلمة ف كلمة
العمر يعدي

تلقى حياتك
قفلت باب الأحلام

.....

تغيير

وبين الطلة والطلّة

كتير تغيير

وبين النسمة والتانية

سحابة صيف

و بين النظرة والنظرة

سهام بترشق

تصيب القلب

ولا نعرف ليه



تاهت خطوتي

بين الشوارع والحارات
ونبض القلب حائر
يجري ولا يخليه بطيء

وصوت رخيم جاي
من بعيد
ينده على القلب
اللي عشق

يغني للأهل في الدار
يتغزل في جمال القمر

وأنا أرسم على الشباك
صورة القلب اللي إنكسر

وأسمع غناه للجرح
والدوا

طب...وأنا

هاقدر ألاقي عندك

الدوا

رد عليا ياعمنا

أنت الطبيب ولا

جاي تصحي جرحنا

بهـدوء

وبهدوء ... يفوت اليوم
وبهدوء يرخي الليل
ستارة من هموم وويل
سمعي ياناى تقاسيم
حزينة تصحي جرح نام
ولاصوت طبله تدق دقات
كأنها دقات مسرح الحياة
في انتظار رفع الستار
عن رواية عمر فات
وقصة حلم مات
سمعي صوت طبول الحب
غني معانا مواويل العشق
المخنوق في قلب الحزن

.....

العيب فينا

إجمع حروف
 قصائد عشقتنا
 أعزف على حلمنا
 وقولنا
 إزاي يكون نهر
 الحنين
 بيمر من عندنا
 وإزاي تكون البساتين
 عطشانة
 والمية هنا
 قولنا..
 يمكن يكون العيب
 فينا كلنا
 يمكن يكون النهر
 بيفيض في أرض
 غير أرضنا

.....

همسة

في سكون الليل
 صوت جميل يردد
 حروف مرصوفة
 ودقة قلب
 واحد من المحروسة
 ونجوم بتلمع
 في سما حلمي
 وده ولد بيرسم
 على أرض الشارع
 هلال ونسر
 هلال ينور
 ونسر يعلى في السما
 ياخذنا للأحلام
 وصوت العزف
 يملا المكان
 يرمي السلام

.....

ألوان

ألوان ... الحلم

فرشت على

أرض الأماني

ضاهيا

والشوق للقا

شعل دروب

القلب

بنار الهوى

وهمس الليالي

بين العاشقين

في الليل سرى

يحكي لنا قصة من

قصص العاشقين

من زمن فات

وعدى قبلنا

طوف... وشوف

طوف... وشوف

بلاد وبلاد

عدي بحور

وعشق الجميلة

في قلبك ما يروح

كنت فاكر

أنك هتبعد عنها

كنت فاكر أن قلبك

في البعاد يرتاح

طال الغياب

وأنت بتحلم بشمسها

بضلة تحت شجرة

في أرضها

وعنين حبيبتك

بتحضن عنيك

ساعة اللقا..

عرفت معنى الشوق

عرفت معنى الغياب

عن روح

في بلدك سيبتها

أرجع ودق

على أوتار قلبك

صحي اللي نام

وطبطب على

القلوب المتحيرة

.....

خد القمر

النجمة.... مالت
 على خد القمر
 مسحت بنورها
 دمة كانت م السهر
 قالت يا باكي ليه البكا
 ليه الشكوى
 جوة نفسك تتخفق
 إحكي يا قمرنا
 قول مين سهرك
 مين خلى دمك
 ينزل في السهر
 قال القمر
 عاشق حزين مشتاق
 قلبه من الغياب انفطر
 لو كنت أرجله الحبيب
 والبسمة اللي على كانت
 على الوشوش تترسم

كانت تبات سعيدة
 وأنا من مكاني
 أنور ليهم وابتسم
 لكن الدمع غلبني
 على القلب الحزين
 المنكسر
 ردت النجوم
 اللي بغنوة حلوة
 قالت...ياقمر
 نورك جوه القلوب
 ما ينطفي
 ومسير الطير
 يرجع لعشقه
 دا العشق جواهم
 عمره ما ينتهي

.....

الأمـان

كلمني عن الأمان
 وإزاي العيـن
 تقدر تتـام
 والقلب مجروح
 والبال مشغول
 إزاي تقدر تكون
 مرتاح الضمير
 وأنت سبب في
 كسر خاطر
 أوجرح قلب مسكين
 قلبي إيه معنى
 الخوف يسكن
 جوه قلبك
 وأنت بتبتسم
 والنوم مخاصم
 العيـون
 وأنت بتفتخر

أنك كسبت رهان
على قلب يوم حبك
وأنت عمرك
ما كنت تحلم
في يوم تترسم
على جدرانـه
أوحى تخطر بباله

.....

بالورقة والقلم

بالورقة والقلم
 نرسم سوا رسمة
 نرسم علم يرفرف
 على جبين البيوت
 في كل شارع في البلد
 نرسم عيال
 وهيصة ولمة
 طبلة ندق عليها
 بحروفنا
 مواويل عشق
 للمحروسة
 ونغني
 نحكي في غنانا
 كل أمجاد جدودنا
 نعلم ولادنا معني
 الأرض و حدودنا
 نزرع بالكلام

بساتين محبة
تخضر عيدانها
في قلوبنا

على باب الرجاء

في ليلة من ليالي القمر
 ظل القلب اللي بين
 الضلوع سهر
 فتش على نسمة
 من نسمات السحر
 على بسمه فوق شفايف
 القمر
 وعلى تقاسيم الناي
 رقص نبضه وارتجف
 كالطير اللي خايف
 يتووه عن عشه
 في الفضاء
 غني وقول يا ناي
 عن قلوب هايمه
 تتمنى الوصال
 ونسمة حائرة بتدور
 على جبين القمر

محطات الحياة

نهر من الحنين
 يفيض على أرض
 الشجن
 تجري دموعه تروي
 زرعة الندم
 تملأ محبرة الأنين
 وبريشة عشق
 مخنوق في قلب الشوق
 نكتب قصائد شجن
 بين سطورها جرح وألم
 وفي حروفها نغم
 نغم حزين
 نعزفه على الوتر
 داب من الوجع
 وإحنا بنستنى قطر الأمل
 يزعق على القلب
 اللي إنفلق

من شدة الهم والألم
بنستى على رصيف
الحلم
لكن نفوق
نلقى محطات
الحياة فاتت
في غفلة من الزمن

.....

شكل ثاني

شمس تطلع

تملا الدنيا بنورها

وف بلدنا

شمس تانية

جايبة الدفا

من قلوبنا

والنور من حضارة

آلاف السنين

شكل ثاني

غير كل الأماكن

نظرة واحدة

ع النيل العظيم

تلقى قلبك سافر

نظرة تانية ع الهرم

تلقى الشعور بالفخر

غامر



مصرنا

كلمنى عن مصرنا

عن فرحة الولاد

في الشوارع

عن ضحكة صافية

فوق الشفايف

عن إيد بتاخد

بإيد مسن

تعديه الشارع

وجندي واقف

في عز الحر

في خدمته

وأمهات بيدعوا له

ويهتفوا

كلمني عن إيد

شائلة السلاح
 وإيد بتعمر البلاد
 إنزل وإمشي
 في وسطنا
 ربّع وكل من أكلنا
 أحلم ببلدك زينا
 صلي ركعتين
 وزور الحسين
 طل في وشوش
 الشقيانين
 بوس إيدن أهلك
 وأحمد ربك
 على نعمة مصرنا

.....

الدم غالي

الدم غالي والتراب غالي
 وأنت ماشي حاسب و هدي
 دا تراب بلدك متحني
 بدم ولدك وولدي
 حاسب وسمي
 وأدعيلهم زيي
 دول اللي ضحوا
 عشان أنت تعدي
 هي المؤامرة خلصت
 يا ولدي!!
 دي معششة في نفوس
 مريضة شاربة الخيانة
 وآه يا حرقه قلب
 أم الشهيد
 آه يا وجع قلبك يا مصر
 على العريس
 يتزف للجنة

والأنـدال عايشين
 ينهشوا في لحم بهية
 بس الأسود صاحيين
 دي حرب وجود
 يا سـاـدـة
 ولا أنتم مش عارفين
 واللي مافهمش
 مالوش عازة
 ولو لسه مش حاسين
 أو لسه مش فاهمين
 تبقوا مش عايشين
 تبقوا مش مصريين
 واللي فاكرينها هتنكسر
 نقولهم.. يا أذئاب الشر
 دا بعدكم
 دي بهية بتودع الشهداء
 بالزغاريـد
 تكسروا مين يا مغيبين



مش هتهزمني

أنت فاكـر

أنا هتهزمني

وانك هتمكن

الحزن مني

أنت واهم

لو تفكر يوم

تكسرني

دا أنا المصري

ضد الكسر واليأس

ضد الحزن

أنا اللي

بأودع شهدائي

بالزغاريد

وأغني وقلبي

متقطع على

الغاليين

في عز القهر

أضحك من قلبي
وأقول نكتة
وأرفع علم بلدي
دا هو دا الفرح
يا ولدي
أنا قدرك
اللي ماهتقدر
يوم تغيب عنه
اللي محير عقولكم
بصبره وجلده
أنت ضعيف وجبان
وأنا الإنسان
علمت بحضارتي
في الأكوان
أقولك ثاني..
مش هتهزمني
مش هتكسرني

حقك عليا

يامة القلب موجوع
 والخوف بين الضلوع
 بيرمح وفارد القلوع
 وانا جواي غصة
 بتصرخ وتقول
 ليه يامة قاسية عليا
 ليه كل ما اقدم خطوة
 ألقى على دماغي
 الضربة تهد جبال
 أنا كل حنة فيا بتغني
 لهواكي موال
 لساي بابكي
 وانا بأسمع نداكي
 لساي بأنفض توب
 المـــــرار
 وأجري في أول الصفوف
 أشيل علمك وأعلي رايتك

لسه الحلم الأخضر
 مزروع في ارض بور
 ليه يا غالية..
 دا انا بأموت كل يوم
 عشان تعيشي
 ليه القسوة يامّة؟
 ولا السؤال كان معكوس؟
 أيوة.. معكوس
 طب هو فيه أحن منك
 دي القسوة في قلوبنا
 إحنا اللي حملناكي
 فوق الحمّول
 إحنا اللي عملنا الثورة
 وإحنا اللي بنتكاسل
 الضمير جوانا غاب
 يبقى نفوق.. نكسر حاجز
 بناه الغدر في عقولنا
 حقك عليا يامّة

حقك على راسي
 وألف بوسة أبوسها
 وأخلي السلاح صاحي
 ومين يضلل عليا
 غير شجرك
 ومين يرويني غير نيلك
 ياست الكل أنت
 وتاج راسي
 حقك عليا يا مصر..
 سامحيني..

.....

أكتوبر



اليوم ده عيد

اليوم ده فرحة قلوبنا

أما قدرنا نرجع أرضنا

الله أكبر جلجت في سمانا

وبسم الله فتحت طريق

عبورنا

الله أكبر يا شهيد

علمتنا معنى الحياة

رفعت راية بلادي

في السما

رديت كرامة الوطن
 في عشرة رمضان
 دمرتوا أسطورة عدو
 كان بيتباهى بقوته
 والنهاردة مكملين حلمكم
 ضد إرهاب الدين
 ضد خونة الأوطان
 والنصر جاي يا بطل
 طول ما
 الله أكبر و بسم الله
 شعارنا في معركتنا



أنا مصر

أنا مصر

أنت مين

أنا حضارة آلاف

السنيين

قلبي مفتوح

للجميع

بس يا حضارة

أنت متعرفش

إحنا مين

معذور دمك خليط

مش أصيل

نرجع نقول من جديد

أنا مصر

أنت مين

أنا أم الدنيا

وقدر الأم

تتحمل رزالة

الصغيرين

وتعلمهم الأدب

قدرنا نكون

حضر دافي

يتلقى طعنات

الناكرين

أنا مصر

التار

وحلفنا ما ننام
 ولا يهدا لنا بال
 إلا أما ناخذ تار
 ولادنا بإيدينا
 وصدق الرجال
 ماهدي بالهم
 إلا بالانتقام
 بعثوا المجرمين
 الإرهابيين
 بعثة لجهنم
 نام وارتاح يابطل
 حقك إخوانك
 جابـوه
 واقفين أسود
 مكانك
 بيكملوا المشوار

والله يامصر
 مهما يحاولوا..
 شعبك وجيشك
 صاحيين
 قولوا لعصابة الدول
 اللي بتمول الغدر
 يومكم قريب
 وأبدأ ماتنكسر مصر
 موتوا بغيظكم
 إحنا دولة قامت
 قبل التاريخ
 ماينكتب

.....

يوم العيد

موهـوم..

ياللي تفكر

إننا نسلم

موهـوم..

مش هتقدر تكسر

فرحتنا

تقتل.. تفجر

في يوم العيد

قصدك نحزن كلنا

الحزن واجب على

ورد الجنايين

زينة شبابك يابهية

لسه بيدفعوا التمن

حالفين يصونوا

الأرض والعرض

تقتل شهيد يتولد

مليون تحت الطلب

خايب ولسه عندك
 أمل تنتصر
 من إمتى والشرازم
 بتهزم دول
 خدعوك وفهموك
 إنك بترضي ربنا
 والحق إنه حكم عدل
 هيجيبنا حقنا
 ماتزعلش يا أمي
 ابنك عريس
 فضل أنه يكون
 في الجنة يوم العيد
 اليوم عيدك يامصر
 وعيد الشهيد عند
 ربنا
 دم الولاد غالي
 وترابك ياوطن
 غالي

إصحووا..فوقوا..

يا بهية
 فيكي إيه
 فيكي سحر
 صعب تتخطاه العين
 فيكي لمة عيلة
 وجارة تسمع ندايا
 قبل أهلي مايسمعوه
 وطفل أسمر
 بيتحدى النجوم
 ونسمة من نيلك
 ترفع شال الصبية
 فيكي إيه..
 ياغالية قولي
 دا العيون من سحرك
 لاموني
 قالوا عيب..
 عيب عليكم

تبقوا فيها
 عيب تكونوا
 مش حاسين بيها
 عيب تقولوا عنها
 قاسية
 دي بهية
 دي الحنية
 بس احنا بنتدلع عليها
 طب فيها إيه
 فيها إنها صابرة
 وثابتة ع الطمع
 من كل حنة
 ع الخيانة
 وهي جاية
 من جوه ناسها
 إصخوا حبة فوقوا حبة
 دي الصبية
 من آلاف السنين

شائلة هم الدنيا
والأهم.. كن أمين..
كن صاحب ضمير
تلقى الضحكة مالية
وشها الحزين
...

يا بهية

قولي وإحكي

يا بهية يا أبية

سمعي صوت

ناياتك

علميني

حروف هواكي

ولا حتى فسريلي

سر عشق ولادك

دا أنتي أرض

الأنبياء

جنة ربنا

يمكن عشان كل ده

عاشقين عيونك

حاضنين ترابك

بين كفوفنا

حافظين عهدنا

مصرتحينا

مهما روحنا

مصر حضارة

مصر حضارة

مصر منارة

قول من هنا للصبح

في مصر

سحر عجيب

جور هيب

حب وعشق

شعب عظيم

شال م الهم كثير

بس بيضحك

قلبه بيضحك

عاشق أرضه

واللي بيحي عليه

خسران

ف كل زمان

واللي ماشفش

مصر بجد

يبقى ما شاف

ف حياته إعجاز

إكسر... تخسر

قالوله.. إكسر

قاتله.. تخسر

قالوله.. فجّر

قاتله تقدر..؟!!

دي مصر يابني

دول فراعنة

يوم ماتقدر

تبقى النهاية

يوم ماتكسر ها

دي القيامة

إصحى وصحح

دي بلدنا أكبر
من كل شر

وربك أكبر
من كل مكر

وما يقدر عليها
الجبـان
خاين الأوطان

الفرق

الوش بقى ألف وش
 بيدعي الوطنية
 حتى لما بيقول
 تحيا مصر
 مصر مش مصدقاه
 مصر عارفة ولادها
 العاشقين
 اللي قلوبهم هايمه
 في حبهـا
 عارفة وشايفه
 زي الخال ما قال
 والمنافق كلامه
 لا يتوزن ولا يتقال

.....

خلص الكلام

من زمان

الحق حق

وعمرنا ما نسيناه

دم الشبـاب

اللي فدانا كلنا

علشان نعيش

أخدوا الرصاص

في الصدور

إتفجـروا

عشانك يا بهية

إحنا فاكـرين

ومش ناسيين

والصورة واضحة

لينا كلنا

مين اللي ضحى

ومين اللي خان

بس الجبان

هو اللي بينكر حقنا

يا مصر

قومي إنهضي

ودعي الأحباب

يا مصر

زفي الجـدع

اللي بعمره فداكي

يا مصر

إعلي وإعلي

وعلي الصوت

خليه يدوي

في الفضاء

يدخل الرعب

في قلوب العدا

ده دم ولادك روى

أرض سينـا

أرض الجـدود

ده دم ولادك روى

أساطير فوق الخيال

عن شجاعة الأسود
ولسه التاريخ هيكلي
عنا وعنهم
عن شعب ما يعرف
غير الخلود..

.....

هي دي بهية

أم كل الدنيا ديا
 حزن الدفا
 عشق السنين
 طيبة الأهل اللي
 مالية الشوارع
 قاعدة ع الكورنيش
 لقمة تتقسم مابينا
 ضحكة في الوشوش
 الشقيانين
 بسملة طفل
 تملانا حنين
 طب تعال
 مد إيدك
 بسم الله
 كل معانا
 دي بهية

حط كلمة

حط كلمة جنب كلمة

تلقى إسمي بيناديك

حط صورة جنب صورة

تلقى حضني بيناديك

وأنت عارف إن قلبي

عمره يوم ما يجافيك

دا إنت ابني مهما قلت

مهما خفت أو زعلت

يوم هتفهم

إن عمري ماكنت

قاسية

بس الهموم

في أرضي راسية

واوعى تنسى

يوم بهية

.....

شهداء أحياء

أيقونة عشق بلدي
موال غرام مصري
والنصر جاي ياولدي
يمكن تظنه بعيد
أنه ميعاد عنيد
وأظن أنه أصبح قريب
أسمع صوته في الجو
وتحيا مصر تدوي
ترعب الأعداء

.....

ويا مصر

توب الحزن ما مفاركك

قلبك على ولادك داب

م الألام



وريحة الخاين فاحت

في البلد

متاطخة إيديهم بدم

ورد الجنايين

رجال شرفاء غير

كل البشـر

عقيدتهم إيمان

بالأرض والعرض

وسيف الحق يامصر

عمره ما انكسر

ح قول حقك علينا

ديـن

قوم يابن بلدي

شد العزيمة

هات تاراللي انغدر

هات حق البلى

تعيش مرفوع الراس

واحننا معاك نربط

حجر

على القلب

اللي إنكوى

نصبر .. وإن راح

جدع

فيه مليون جلع

روحه فدا الوطن

.....

الشهيد

دمك روى الأرض
الموت لأجل الوطن
عندك عقيدة
والخيانة في دم ناس
مش منننا
هما ناس وإحنا ناس
صدق اللي قالها
دول مش من دمنا
تقتل .. تخون..
تبقى عميل
قولي بقى..
إزاي هتقابل ربنا

.....

عَظَمَ شهيدك

عَظَمَ شهيدك يا وطن
 في يوم حب الوطن
 إحكي بطولات.....
 إرسم صفات.....
 سَمَّع ولادنا أصوات الجهاد
 طبطب على قلوب أمهاتنا
 أحضن ولاد شهداءنا
 بص في وشوش شعبنا
 تلقى الشهيد في كل بسمة
 بص لجمال أرضنا
 تعرف ليه الورود باسمه
 ده دم ولادنا على الحدود
 شرقها وغربها....
 ده صوت الأسود...
 يبث الرعب في قلوب العدا
 وده ضرب البيادة
 على أرضنا

زلزال يدمر خطة أجهزة
 أيوة يا مصر ... أجهزة
 من كل إتجاه بيدسوا
 السمــــــــوم
 وكل خاين يستعملوه
 خنجر في ظهر الوطن
 عَظَمَ شهيدك في كل يوم
 ده الورد اللي فتح
 في جناين مصرنا
 ده الابن اللي راح
 وساب لنا
 ذكرى وريحة عطرة
 نتنفسها هنا.....
 ده لسه صوته في ودنا
 "تحيا مصر" طالعة
 من قلبه
 ودوغري تدخل قلبنا
 نلقى ساعتها كل الأسنة

تخـرس ..
 ويفضل صوت بلدنا عالي
 يصم وذن العدا...
 تفضل راينا عالية
 رغم أنفهم.....
 رغم حقدهم.....
 يفضل صوت الجـدع
 من وراه ١٠٠ مليون يرد
 #تحيا_مصر بعزمننا....

الفهرس

Contents

6	خزائن الأحلام
8	صوت الذكريات
10	شعاع مكسور
11	يا ليل
12	الفرح له ناسه
13	هل هلاكك
15	زمان
17	ضي وصوت
18	دقات المطر
19	موال الليل
21	حكاية حبك
23	إيه اللي اتغير
25	قاللي
27	واحد شاي
29	باب الهوى
30	علقم
31	صور وحكايات
32	القلب غافل
33	بياع الصبر
34	ألف ليلة
36	علموه
37	المرايا
38	يا واحشني
40	تغيير
41	تاها خطوتي
43	بهدوء
44	العيب فينا
45	همسة
46	ألوان
47	طوف... وشوف
49	خد القمر

51	الأمـان
53	بالورقة والقلم
55	على باب الرجاء
56	محطات الحياة
58	شكل ثاني
59	مصرنا
59	كلمني عن مصرنا
59	عن فرحة الولاد
59	في الشوارع
59	عن ضحكة صافية
59	فوق الشفايف
59	عن إيد بتأخذ
59	بإيد مسن
59	تعديه الشارع
59	وجندي واقف
59	في عز الحر
59	في خدمته
59	وأمهات بيدعوا له
59	ويهتفوا
59	كلمني عن إيد
60	شائلة السلاح
60	وإيد بتعمر البلاد
60	إنزل وإمشي
60	في وسطنا
60	ربّع وكل من أكلنا
60	أحلم ببلدك زينا
60	صلي ركعتين
60	وزور الحسين
60	طل في وشوش
60	الشقيانين
60	بوس إيدن أهلك
60	وأحمد ربك
60	على نعمة مصرنا
60	
61	الدم غالي

64	مش هتهزمني
66	حقك عليا
69	أكتوبر
71	أنا مصر
73	التار
75	يوم العيد
77	إصحووا..فوقوا
80	يا بهية
82	مصر حضارة
84	إكسر...تخسر
86	الفرق
87	خلص الكلام
89	يا مصر
91	هي دي بهية
92	حط كلمة
93	شهداء أحياء
94	ويا مصر
96	الشهيد
97	عظم شهيدك



للنشر والتوزيع